



ЛИСЕНЬДИ Ш-це КИЗОСЬ

Мокшэрзянь ВЛКСМ-нь
обкомть и Саранскаень
горкомть газетасна

Адрессь: г. Саранск, ул. Ленина 9
Телефон № 1-72.

23

МАРТСТА
1936 КИЗОНЯ
34 (280) №

Лисеньди ковти 12-коть

Февральть 13-17-це шинзон эзда йотафтф Мокшэрзянь областень нилеце конференциять путфксоец ВЛКСМ-нь обкомть отчетонц коряс

Областень конференциясь мярьгоньди областной комитетти тиесм тятф тама тефт:

I. Внутрисоюзнай работать китькска

1. Тиесм полнай порядок комсомольскый хозяйстваса, машфтомс организационнай распушенность комсомольскый учетсон мольфтемаса. Комсомольскый билеттень макссеме а н ь ц е к ВЛКСМ-нь райкомонь секретарьхненсь эсь мархтость и тянь шовор вешемс отчетность эрь получаф комсомольскый документт инкса. Сембе райкомтненсь эса сатомс комсомольскый документтненсь ванфтомс несгораемая шкафт.

2. Решительно цебарьгофтомс ВЛКСМ-нь райкомтненсь лангса конкретно-живой руководствать, шарфтомок башка мяль ичкозденсь райоттненсь, кода Теньгушевать, Темникавть, Ельникавть, Рыбкинарь, Игнатовать и лиятьхненсь лангс, синь эзот обкомонь бюронь четтненсь и инструкторхненсь якамасон вельдя, а станя жа союзнай работать колга обкомонь бюроса райкомтненсь систематическый кулхончнемасон вельдя.

3. Конференциясь веши обкомть и райкомтненсь ширьде, штоба улельхть таргафт организациять работас обкомонь и райкомонь пленумонь сембе четтне и цебарьгофтомс обкомонь и райкомонь инструкторхненсь лангса руководствать, систематически инструктировандакшнемс синь союзнай работань важнейшай конкретнай кизефксненсь коряс району и первичнай организациаь тумост и кулхончнемс синь тоста самодост меле.

4. Одиночка комсомольскый мархта организовандам политической, общеобразовательнай и технической тонафнемать и ковти аф вестьта кржаксть пуропнемс одиночка комсомольскый ВЛКСМ-нь райкомтненсь союзнай работань кизефксненсь колга.

5. Обкомти и райкомтненсь систематически йотафнемс райкомтненсь эса комсоргтненсь и первичнай комсомольскый организационь комитетонь секретарьхненсь политуровеньшон и деловой квалификациасон касфтомаса нюрхкяня пингонь курст.

6. Сувафтомс работамань практикати обкомонь бюроса комитетонь секретарьхненсь и комсоргтненсь кулхончнемасон первичнай организациаь работамань Сашка кизефксненсь колга. Путтомс обязанность ВЛКСМ-нь обкомть отделонзон и инструкторонзон лангс ладямс письменнай связь сьда одю первичнай организациаь комсоргтненсь и комитетонь секретарьхненсь мархта.

II. Стахановскый движенияь лангса руководствань мольфтемать китькска

1. Конференциясь путни обязанность обкомть и райкомтненсь лангс пачфтемс эрь од работайть и колхозникть и васенда-

7. Путтомс обязанность ВЛКСМ-нь обкомть лангс, штоба сон обобщандакшнелезе и сьда кржканьста тонафнелезе первичнай организациаьтненсь и райкомтненсь работамань опытсон и совещаниятьхненсь, специальнай сводкатыненсь вельде и газетатыненсь эса распространяндакшнемс сонь сембе областной организациаь келес.

8. Категорически аф мярьгоньдемс райкомтненсьди и обкомти лифнемс опроснай решенияьтама кизефксненсь колга, конат эривхть кочксемс ВЛКСМ-нь райкомть и обкомть бюроса.

Сувафтомс райкомонь и обкомонь бюротненсь работамань практиказот решенияь проектонь аноклакшнемать, а кда аф ули проект тя али тона кизефксть коряс лифтемс арсеви решенияьти, то ня кизефксненсь бюроса ванондомасон валхнемс.

9. Лувомок кадрань кочкама кизефксть лангс обкомть ширьде безответственной отиошенияь лама случайхненсь, мярьгомс ингольпяли комсомольскый работниконь кочксемать и кучсемать йотафнемс сьда тщательнайста, детально сьдосемс эрь кучсеви ломаньхть.

10. Пуроптомс ВЛКСМ-нь обкомса и райкомтненсь эса руководящай комсомольскый работас выдвигенияьди резерв, сембе-донга пяк коренной национальносттненсь и комсомолкатыненсь эзда, сембе пингста работамс синь политической и деловой квалификациасон касфтоманц лангса.

11. Мярьгомс обкомти инь маластонь пингть укомплектовандам комсомольскый газетатыненсь редакциясон квалифицированной работникса. Сатомс вишка тюрема райкомтненсь и обкомть ширьде велькоровскый заметкатыненсь действенностьсон инкса.

12. ВЛКСМ-нь областной и районнай комитеттненсьди марнек обеспечендам районнай конференциятьхненсь решениясон и комсомоль Х-це с'ездонцты комсомольскый мархта эсь лангзост сьвф обязательствасон пашкодмасон, мезенкса ладямс обкомть и райкомтненсь ширьде эрь шинь проверка и первичнай организациаьтненсьди и башка комсомольскый лезксонь макссема.

13. Путтомс обязанность обкомть лангс 1936 це кизоть пингста кочкамс материал и нолдамс брошюра Мордовиянь комсомольскый историянц колга.

кига комсомольскый и комсомолкатыненсь сознаниясь стахановскый движенияь колга Сталин ялгать историческый речени и ВКП(б) нь

ЦК-ть декабрьскый пленумонц решениянзон.

2. Организовандам комсомольскый и од ломатыненсь агро-технической тонафнемасон, обеспечендам синь мархтость госу-дарственной агро-технической эк-заменонь максомать.

Пуроптомс стахановскый шко-лат предприятияньхненсь, совхос-ненсь, МТС-ненсь и колхозненсь эса сянкса, штоба максомс од ломатыненсь инь цебарь стахановскый работамань опытсон и методсон. Комсомольскый печатать эса сьда лама сьормач-немс стахановскый рядсон касфтомаса башка комсомоль-скый организациаьтненсь работа-мань опытсон, а станя жа баш-ка стахановскый работамань методсон.

3. Цебарьгофтомс комсомоль-скый организациаьтненсь стахановскый мархта сотксон, пуропнемс синь йоткост культур-но-массовой и политической ра-бота, тарксемс синь предприя-тиява, колхозга, совхозга общест-

веннай работати и тянь мархта сьда вишкостемс стахановскый комсомолу таргамасост работать.

4. Обкомти и райкомтненсьди сембе ширьде лездомс стахановскый культурно-бытовой ус-ловиясон (эряма вастсон, культ обслуживаниясон, тонафнемс эривикс условиянь тиесмать) це-барьгофтомасонды.

5. Организовандамс и возгла-вить стахановскый движенияь велень хозяйстваса работай ком-сомольскый и од ломатыненсь йоткса, мобилизовандамс синь 7-8 миллиард пуд сьоронь по-лучамать и аф черноземнай полосать колга ВКП(б)-нь ЦК-ть и СССР-нь Совнаркомть реше-ниясон пашкодманц инкса тю-рема.

6. Мярьгомс обкомти и рай-комтненсьди обеспечендамс од стахановскый цехненсь, пред-приятияньхненсь, совхосненсь, МТС-ненсь и колхозненсь эзда руко-водящай комсомольскый работас смелайста выдвигениясон.

III. Комсомольскый политическый тонафнемасон китькска

ВЛКСМ-нь обкомть и райкомт-ненсь задачасна тяни ащи сянь эса, штоба сембе мяльсь улель путф школатыненсь и кружокненсь эса занятиаьтненсь качествасон резкайста касфтомасон лангс.

1. Сатомс сянь, штоба пропа-гандистсь видекс отвечаль эрь слушательсь занятиаьтненсьди анокламанц инкса, мезенкса пуропнемс сембе материалть, те-мать предварительна группаса и башка-башка кочксеманц, явф-томс занятиаьтненсьди анокла-мань специальнай шит, прове-рякшнемс эрь занятиаь карша рабочей записьхненсь и конспект-хненсь.

Систематически кулхончнемс обкомонь и райкомтненсь бюроса пропагандисттненсь докладсон эсь работасон колга. Ладямс кода правила, штоба руководя-щай активсь систематически якаль занятиаьтненсьди, петьнеде-зень афсатыксненсь, конат лиф-невихть сонь занятиас улемстон-за и макссель конкретнай лезкс йотафневикс занятиаьтненсь ка-чествасон цебарьгофтоманцты. Обеспечендам школатыненсь и кружокненсь эса сембе тонафне-викс кизефксненсь живейста коч-ксемасон и макссеме исчерпы-вающай ответт текущай полити-ческой событияьтненсь мархта со-цонф комсомольскый кизефкс-сонды, аф кадондомс синь ширьдест кодамовок недоуме-нияь.

2. Конференциясь мярьгоньди обкомти инь маластонь пингть сатомс сянь, штоба пашькодемс ВЛКСМ-нь ЦК-ть решениянц сем-бе комсомольскый активть про-пагандистскый работати тарга-манц колга.

3. Сатомс сянь, штоба регуля-найста работальхть ВКП(б)-ть историянц тонафнема кружоконь и политграмотань школань про-пагандисттненсь семинарна, синь лангсост руководствань вятемс кочкамс сьда квалифицированной и политически грамотнай ялгать-хненсь.

Сяс, штоба сьда тов касфнемс пропагандисттненсь политическый содама шисон, эривихть синь таргамс ИМЗО-нь китькска эсти-ест кельгови дисциплинаь коряс заочнай тонафнемас.

4. Систематически йотафнемс курсовой мероприятия штатнай и внештатнай пропагандисттненсь анокламасон и переподготов-касон колга, а станя жа орга-низовандамс теест специальнай лекцияь и докладт партияь историянц колга, Ленинть и Сталинть башка произведенияь сон коряс; докладт и лекцияь международнай и внутренней по-ложенияь колга.

1936 кизоня июль ковста йотаф-томс ВЛКСМ-нь ЦК-ть програм-манц коряс райкомонь полит-тонафнемань отделонь заведую-щаень курст.

IV. Идътненсь йоткса работать колга

1. Конференциясь путни обяза-ность обкомть, райкомтненсь и ВЛКСМ-нь сембе четтненсь лан-гс, штоба макссеме лезкс пионер-скый организациаь работасонза идътненсь творческой инициати-

васон касфтомаса, клубтненсь, колхознай идень кудтненсь и идень технической станциятьхненсь рабо-тасон ладямаса. Пионерскый ор-ганизациаь работанц ладямс (Поладксоец 2-це лопаширеса)

ФЕВРАЛЬ 13-17-це ШИНЗОН ЭЗДА ИОТАФТФ МОКШЭРЗЯНЬ ОБЛАСТЕНЬ НИЛЕЦЕ КОНФЕРЕНЦИЯТЬ ПУТФКСОЦ ВЛКСМ-НЬ ОБКОМТЬ ОТЧЕТОНЦ КОРЯС

тяфта, штоба пионерхне видекас ашельхть инголи моликс школатнень работаснон ладямаса, отличнай тонафнеманкса тюремаса.

2. Апрель—май кофнень пингста проверямс пионерской отрядонь вожатайхнень работаснон и сьака пингтть макссеме практической лезкс пионер работать содержаниянц цебарьгофтомаса, вожатайхненьди сьада цебарь материально-бытовой условиян тиемаса, кустовой и районнай семинархнень вельде вожатайхнень алак лотксека тонафнемаснон организовадамаса.

Конференциясь путни обкомть инголи фкя инь главнай задача — кочкамс и кемокстамс политически и общеобразовательна грамотнай и культурнай вожатаень кадрат, кемокстамс сннь работас аф кафта кизода кржас. Организовандамс ВЛКСМ-нь обкомть эса алак лотксека (ковти весть) работай семинархт старшай вожатайхненьди и ВЛКСМ-нь райкомонь пионеротделонь заведующайхненьди, коза фатямс аф 50 ломаньда кржа. 1936 кизоня организовадамс пионервожатаень аноклама и переподготовкань постоянно действующай республиканской школа, коза фатямс 45 ломатть. Конференциясь мьярьгоньди периодически кулхондкшнемс обкомть бюросонза вожатайхнень и райкомонь пионеротделонь заведующайхнень сннь работаснон колга, а тяфта жа пуропнемс специальной совещаният пионер-работань башка кизефкснень колга.

3. Конференциясь мьярьгоньди ВЛКСМ-нь обкомти и сембе райкомтненьди 1936 кизонь март—апрель кофнень пингста полнайста укомплектовандамс вожатайса октябриян сембе группатнень и организовадамс сннь мархтост регулярнай тонафнема.

4. Конференциясь мьярьгоньди ВЛКСМ-нь обкомти 1936 кизоть пингста паньжемс Саранск ошса пионеронь дворец и Рузаевкаса, Слобдаса, Инсарса, Арлатуса, Темниковаса и Зубуса районнай пионерской клубт. 1936 кизоня республикаса паньжемс аф 50-да кржа колхознай идень кудт и 1937 кизоть ушедомозонза паньжемс Саранскайса идень кинотеатр.

5. Конференциясь мьярьгоньди ВЛКСМ-нь обкомти келептемс

идень технической в. х. станциян сетть, пачьфтемс сннь 1936-це кизоня 4-ста 10-тти, кореннойста цебарьгофтомс теест конкретнай лезксонь максомать и сннь лангсост руководствать, сатнемс сннь, штоба сембе ДТС-не и васенда-киге республиканскайса аральхть подлиннай организаторкс массовой инициативнай движения к а с ф т о м а с а, идьтнень мархта наукать и техникать тонадомаса.

6. Конференциясь в е ш и ВЛКСМ-нь обкомть ширьде, штоба сон прималь инь курокста мерат родной кяльса нолявидень журналхнень качественсон цебарьгофтоманц и эрзян и мокшень кяльса идень газетать ноляманц колга ВКП(б)-нь обкомть решениянц пашькодкшнеманц колга. Путномс обязанность обкомть лангс систематически снабжандакшнемс пионерской отрядтнень идень руководящай и художественнай литератураса, башка мьяль шарфтомс родной (мокшэрзянь) кяльса идень литературать нолдаманц лангс.

7. Конференциясь мьярьгоньди обкомти сьада цебарьста ладямс пионерорганизациятнень касомаснон колга работать, башка мьяль шарфтомс коренной национальностень идьтнень счеса касомать лангс.

8. Организовандамс жактатнень и идень кудтнень эса пионерской форпостонь работась, касфтомс форпостонь сеттьс и цебарьгофнемс сннь работань качественсон. 1936 кизонь сезонца массовой и санаторнай лагерхне и пришкольной оздоровительнай площадкатнень вельде анокламс и йотафтомс идень оздоровительнай мероприятия, башка мьяль шарфтомс ваймьидьтнень йоткса воспитательнай и культурно-массовой работать ладяманц лангс.

9. Конференциясь путни ВЛКСМ-нь областной и районнай комитеттнень лангс обязанность исключительнай мьяль шарфтомс идьтнень физической воспитанияснон и сннь йоткост обобщоннай работать вьетманц лангс; таргсемс сннь физкультурнай и военной кружокс и безусловна пашькодкшнемс с н н й йоткост БГТО-нь, БГСО-нь, ЮВС-нь значеконьди контрольной цифратнень и ст. тов.

V Стирнятнень и од аватнень йоткса работать колга

1. Стирнятнень и од аватнень йоткса работаса фкя инь важнейшай задачкас конференциясь путни стирнятнень и од аватнень йоткса сьормас аф содамать и сьормас кржа содамать машфтоманц и стирнятнень и од аватнень политической уровеньнон касфтоманц.

2. Конференциясь мьярьгоньди обкомти и райкомтненьди смелайняста выдвигандакшнемс стирнятнень и од аватнень руководящай комсомольской, советской, колхознай, кооперативнай и лия работас и сембедонга пяк коренной национальностень стирнятнень и од аватнень, пуропнемок тьаса теест сембе эрвикс условиятнень и макссеме теест эрь шинь, практической, ялгань лезкс.

3. Безусловно обеспечендамс стирняннь и од авань республиканской и районнай конферен-

циятнень и колхознай пуромкснень решенияснон эряфс йотафтомаснон.

Март-апрель кофнень эзда йотафтомс примаф решениятненьди массовой проверка сьада меле кулхисикшнемс сннь первичнай комсомольской организациянь марстонь пуромксса и райкомонь и обкомонь пленумса.

4. Решительнайста цебарьгофтомс идень очагтнень (яслятнень, площадкатнень, садтнень) работаснон, путнемс эзост руководящай работас инь цебарь комсомолкатнень и коммунисткатнень.

Лекциянь лувондомать и беседань йотафнемать вельде пуроптомс систематической работа идьтнень воспитанияснон инкса, од тядятнень содама шиснон кеподеманц колга, тарксеком тьа работати специалист педагоктнень и врачнень.

VI Военно-физкультурнай работась

1. 1936-це кизоть пингста сембе физически шумбра комсомолечнень таргамс военно-технической экзаменонь мак-омати и обеспечендамс военно-технической экзаменонь васеньце и омбоце турть китькска контрольной цифратнень пашькодкшнемон. Военно-технической экзаменонь пуроптомста башка мьяль эрзави шарфтомс тьа движения коренной национальностень од ломаттнень таргамаснон ланкс, кучсеком мокшэрзянь райоттненьди сембеда цебарь кадрат и пуропнемок эзгаст эрзавикс материальной база.

2. 1936-це кизоня республика эзга строямс аф 10 кржа парашютнай вышкат, анокламок теест сатомшка инструкторской состав.

3. Пуроптомс 1936-це кизоня эрь района планернай кружокт, анокламок теест аэроклубтнень

эса августь васеньце шинц самс планерист инструкторхт.

4. Анокламс 1936-це кизоня курсовой мероприятиятнень пачк 500 ломань физкультурорганизаторхт и 100 ломань инструкторхт.

5. Анокламс 1936-це кизоня аэроклубтнень эса 24 пилотт, 1-це ступенень 100 планеристт, 2-це ступенень 150 парашютистт, авиомоделизмань 24 инструкторхт, планеристонь 23 инструкторхт и парашютнай вышкань 10 инструкторхт.

6. Кемокстамс аэроклубть финансовой состоянианц и материальной базанц пачьфтемс сонь 1936-це кизоня 5 самолетс, 5 тренировочнай парашюто, 4 „УС—4“ планерс тьян инкса виш-коптемс энергичнай работа аэроклубонь физической и юридической членкс сувафтомать колга.

VII Тонафни од ломаттнень йоткса работать китькска

1. Конференциясь мьярьгоньди ВЛКСМ-нь обкомти решительнайста цебарьгофтомс руководствать учебнай заведениятнень эса комсомольской организациятнень ланкса, ладямс живрой сотксть комсомолонь обкомть тонафни од ломанень отделонц мархта комсомольской комитеттнень йоткса. Практиковандакшнемс комсомолонь комитеттнень секретарьснон и группоркнень ВЛКСМ-нь обкомонь бюрос терьнемаснон, йотафнемок сннь мархтост тонафни од ломанень отделть эса систематической совещаният тонафни одломаттнень йоткса работать цебарьгофтоманц инкса кизефкснень колга.

2. Юрнек цебарьгофтомс культурно-массовой работать учебнай заведениятнень эса, шарфтомс комсомольской организациятнень мьяльснон:

а) тонафни одломаттнень общекультурнай и политической

уровеньнон решительнайста касфтоманцы;

б) художественнай самодеятельностень пуроптомати;

в) кружковой работать (литературнай, драматической, хоровой, музыкальной и ст. т.) виш-коптеманцы. Шарфтомс башка мьяль тонафни од ломаттненьди кафедратнень, кабинеттнень эса научно-технической кружоконь пуроптомать ланкс.

3. Конференциясь лувонцы, што комсомольской организациятнень работасост основной задачкас ащи академической успеваемость оцю качестванц инкса, отличниконь рядтнень касфтомаснон инкса тюремась, а тьянкса мьярьгоньди обкомти и райкомтненьди учебнай заведенияннь комсомольской организациятнень работаснон определяндакшнемс комсомолечнень и тонафни одломаттнень академической успеваемостьснон коряс.

VIII Культурно-массовой работась одломаттнень йоткса

1. Путномс обязанность обкомть ланкс, штоба сон сатольхце сод. културань кудтнень, колхознай клубтнень, лувом кудтнень, якстерь уженятнень эса культурно-массовой работать образцовайста ладяманц, кочкамс (укомплектовать) эзост, марса народнай образованиянь оргаттнень мархта, политически грамотнай и культурнай кадрат. Марса МАССР-нь Наркомпрость мархта йотафтомс цебарь лувом кудонкса и якстерь уженякса конкурс.

2. Пуроптомс одломанень художественнай самодеятельность, йотафнемс од дарованиянь районнай и республиканской олимпиадат и художественнай самодеятельностень вечерхт сьормадкшнемс сннь печатсьа и всякай ладса лездомс башка комсомолечнень и первичнай организациятнень творческой инициативаснонды.

3. Практиковандакшнемс читательской и литературнай конференциян пуропнемать, мокшэрзянь писательхнень и поэттнень и одломаттнень мархта творческой встречань пуроптомать, одломаттнень эзда одс ушеды писательхненьди и поэттненьди литературнай кружоконь пуропнемать.

4. Юрнек цебарьгофтомс библиотечнай работать одломаттнень йоткса, ладямс тевть станя, штоба комсомолечне и инголи моли афсоюзнай одломаттнень добувалхть эстеест личной библиотечка, практиковандакшнемс якстерь уженятнень и лувом кудтнень эса художественнай литературань громкай читка.

5. Примамс сембе мератнень сянды, штоба потребкооперациятнень вельде снабжандамс сембе районнай культурнай магазинтнень музыкальной инструмента, шахматса, шашкаса, спортивной инвентарьса, художественно-политической и специально-технической литератураса.

6. Сатомс кинотрестть ширьде, штоба сон решительнайста цебарьгофтолезень кинотеатратнень и кинопередвижатнень работаснон, обеспечендамс райоттненьди эрзавикс кино-картинань эсь пингстонза кучемать. Практиковандамс марса кинотрестть мархта кино фестивалень йотафнемать, од картинатнень общественной просмотрснон и комсомолечнень и од ломаттнень мархта марса башка фильмань ваномая камать йотафнемок филь

(Пец 3-це лопаширеса)

Машфтомс низовой комсомольской активъ работаства тушендоманц

Фкя инь оцю, афсатыксекс низовой комсомольской активъ (группортнень и комсортнень) воспитанья и касфтомань (выращивания) тевса ащи синь составост аф нолдавомшка текучесть.

Башка организациятнень эса тя текучесть примси оцю размерхт.

Зубунь района 1935-це кизоста полафтовсь 36 комсортг, а башка комсомольской организациятнень эса полафтовсь 4—5 комсортг (лесозаводса—5, Дубительса—3 и ст. тов).

Комсомолс должен эрь юношай, эрь стирня, коначестнайста работай колхоза, совхоза, завода, фабрикаса станокть ваксса, шаромс перьф пельденъ внимания и работаса, лездомс теест политической и технической содама шиснон касфтомаса. Максомс эривикс лезкс сембе оцю возможностнень исползовандамост, конатнень максозь партиясь и советской властью эсь культурнай уровеньтень кепедемс, сян инкса, штоба улемс сембе ширьде развита ломанькс.

Воспитандакшнемс од ламатнень—тя значит васендакшнйа цебарьста содамс синь, содамс персонально эрь комсомолецт, эрь комсомолка, содамс эрь комсомолецт лафча и кеме ширензон, тонадкшнемс синь, сатнемок афсатыкснень машфтомаснон, синь касомаснонды сембе ширень лездомать вельде поощряндакшнемс синь цебарь тевсон инкса.

Тяни должен улемс шарьхкодевикс эрь руководящей комсомольской работникт, што тоса, коса сидеста полафневихть комсортне, пропагандистне, неможт улемс систематической коммунистической воспитание башка комсомолецнень йоткса. Комсортнень, группортнень и пропагандистнень сидеста полафнемасна нарушандакшнесы комсомольской организациятнень комсомольской агитаторонь и пропагандистонь касфтомаса и выращивания всякай лаца плановой

упорнай кропотливый работаснон.

Комсомольской низовой активъ аф нолдавомшка текучестенц колга корхтаф ни аф вест, кепетьксонди Кочкуровской районц, коса 1935 кизотъ пиньгста 48 комсортгнень эзда киза кувалмоста полафтовсь 29, а Тавлань организацияса киза кувалмоста полафтовсь 5 комсортг, конань колга улсь корхтаф комсомолонь областной конференцияса.

Васеньце условиякс комсортнень кемокстамасост ВЛКСМ-нь ЦК-сь ВЛКСМ-нь райкомтнень эзда вешсь, штоба максомс тшательнай, подробнай и исключительна конкретнай, деловой инструктаж эрь комсортг, но аф ваномок тянь лангс ЦК-ть тя категорической вешьфксон лама райкомтнень мархта аф пшаккодкшнеси. Ковылкинень района 60 комсортгнень эзда ВЛКСМ-нь райкомт секретарец Имайкин ялгась инструкторовандась аныцек 23 комсортг.

Кочкуровань района Ведякин ялгась индивидуальной инструктажт васт йотафтсь групповой инструктаж, конач безусловна аф макси ответ комсортг сембе вешьфксонзонды.

Переыборда меле ниньгашезь йота 2 кофтка, а улихть ни случайхть, мзярда комсортне тушендыхть работаства. Кадошкинань района глушкинань первичнай организациянь комсортгс Климкина ялгась, ашезь кенерь инструкторонь получандамс, тусь работаста, ашезь пачфте тянь колга куля комсомолонь райкомунга. Мес тяф та тись Климкинась? Аныцек сяс, што Кадошкинань комсомолонь райкомт секретарец Петров ялгась ашезь арьсе сян колга, штоба максомс практической лезкс работаса, нльне ашезь йотафта сонь мархтонза инструктивнай беседавок. И нльне тяда меленьг Петровс аф пшаккодкшнесыне ЦК-ть вешьфксонзон и 54 комсортгнень эзда

сон инструкторовандась аныцек 11 ломатъ.

Тя сигналсь корхтай ламонь колга. Работамда инголе эрь од комсортг эривихть максомс работамань условият, кепсемс кельгома комсомольской работати.

Эрь райкомонь секретарти маластонь пятинднечк пиньгста эриви инструкторовандамс эрь комсортг, сян инкса, штоба секретарть инструкторе лездольба комсортг комсомольской организацияти работамань планонь тиемаса, конач отвечальба эрь комсомолецт по литической ширьде касоманцы, лездольба, штоба производстваса арамс стахановецекс, лездольба комсомольской организацияти од ломатънень йоткса хулиганствать и чуждай религиознай предрассудкратени машфтомаса успешнай тюремати.

Райкомонь секретарь инструкторонь максомста должен содамс комсомолецт аф анкетнай даннаень коряс, а сонь деловитостенц и сонь способностензон коряс.

Сталин ялгась тонафтсамазь минь ванфтомс эрь способнай и понимающей работникт. Сон корхтай:

„Эриви ванфтомс эрь способнай и понимающей работникт, ванфтомс и касфнемс (выращивать) сонь Ломатъне эривихть заботливаста и внимательнайста касфнемс, кода садовникс касфнесы сонь мархтонза кельгевы плодовой шуфтг“.

Модемк народонь великай вождь Сталин ялгать ня указанизон коряс райкомонь эрь секретарь должен касфнемс и ванфтомс комсортг, группортг и первичнай комсомольской организациянь пропагандистг.

Борисов.

ХУДОЖЕСТВЕННАЯ САМОДЕЯТЕЛЬНОСТЬ ОЛИМПИАДА

Саранск. Мартъ 17-це шистонза пединститутса йотафт художественной самодеятельности олимпиада. Олимпиадаты оцю аноклама работа вятьсь комсомолонь комитетс и профкомс.

Олимпиадаса примаст участие институтонь сембе факультетне.

Лама цебарь номерхт и выступления тийсь литературнай факультетс.

Мзярда сценать ланке лиссь Тарасенко ялгась и кармась кштимонза узбекской танецт, публикась ламос цяпазь кядьснон.

Сидельникова и Корочкова ялгатне пжк цебарьста кштизь лизгинкать.

Аф калдывста кштизе „яблочкать“ Сурдин Пашась и сон жа цебарьста дикломировандазе Д. Беднаен „Дьяк“ стихотворениянц.

Олимпиадаса тяфтама цебарь выступления улсь пжк лама.

Олимпиадаса васеньце казньеть сявое № 2 ской подшефнай частень оркесторс, конач казф 100 цалковайхть ярмакса, а омбоце казньеть получандозе Сурдин Пашась. Тяфта жа улсь казф олимпиадань лама лия участник.

Олимпиадасы няфтезе кодама талантливый ломатъ улихть институтса.

Н. Черяпкин

Гришась тонафни цебарьста

Ежкань афполнай средняя школа, 6-це класса Козеев Гришась арась отличнайста тонафникс. Кодамовок башка секрет Гришась сатфксонзон эса аш. Ули простой секрет: Гришась образцовайста вятьсы эсь прянц школы, лац кулхонды учителень объяснятнень.

Тевса отечатама Сталин ялгать беседанцы

Саранск. Мартъ 15-це шистонза махорочнай фабрикань комсомолонь комитетс йотафтс комсомольской пуромкс, коса кочкесвь Сталин ялгать беседац американской газетнай объединения председателенц Рой Говардъ мархта.

Комсомолесне тя беседать мархта улсь пжк интересовандафт. Максест докладчикти лама кизефкст тя беседать колга.

Сталин ялгать беседанцы ответонди комсомолесне сявьт обязательства, штоба сувамс ОСО-нь, РОКК-нь, МОПР-нь и лия добровольнай организациятненьди и таргамс ня организациятненьди афсоюзнай од ломатънень, сяда келиста келептемс стахановской движеният, эрь од ломаньтй рамамс эстиенза противогаз и максомс сембе норматнень „В. С.“ значекс.

Гораев.

Физкультурнай вечер

МАССР-нь ВСФК-сь мартъ 31-це шистонза Мокшэрзянь Государственной театраса йотафты физкультурнай оцю вечер.

Вечерти вишкста кармась аноклама школань и предприятиянь физкультурнай коллективне.

Медицинской техникумонь физкультурнай коллективс (руководительс Кубанцев ялгась) аноклай агитгруппа, конач няфти всякай лаца упражненият и пирамидат.

Педтехникумонь физкультурнай коллективс станя жа аноклай агитгруппа, конач няфти гимнастической упражненият и пирамидат.

Педтехникумонь физкультурнай отделениясь аноклай легкоатлетиконь группа, конач кармай выступандама турникса и брусьяса.

Саранскайса физкультурнай инструкторне синьце вишкста аноклайхть тя вечерти, коса синь кармайхть выступандама брусьятнень и турникт эса.

А. Кузьманский.

Работась ладяф цебарьста

Торбеево. Аф кунара райцентрав паньчф парткабинет, конань эса работась ладяф пжк цебарьста. Кабинетс валда, вольнай, чистай. Потмосонза прокс пжксе ломаньда. Тяза сашендыхть аф аныцек коммунистне, но и комсомолецневок. Кабинетса лама литературада, журналда, газетада ст. тов.

Парткабинетонь заведующайс Бабин ялгась пжк старандай кабинетт работанц цебарьгофтомаса.

А. Егоров

Сембе студентне улихть МОПР-ань члетт

Саранск. Мокшэрзянь педтехникумонь студентне торжественнай пуромксса, конач улсь йотафт Парижской Коммуна годоштинань шистонза, сявьт обязательства, штоба сембе студентненьди сувамс МОПР-ань членкс.

Самошкин.

Мокшэрзянь областень 4-це конференцият путфксонц пец

матнень ланкса мнениянь полафтома и обсуждение.

7. Конференциясь мярьгонди обкомти и ВЛКСМ-нь райкомтненьди общай образования кизефкснень колга йотафтомс тяфта мероприятия:

а) 1936-це кизоя машфтомс сьормас афсодамать и сьормас кржа содамать комсомолецнень и аф союзнай од ломатънень йоткса;

б) маластонь 2-3 кизотнень пиньгста пачфтемс комсомолецнень содама шиснон: начальнайхнень, неполнай средняй школань содама шис, неполнай средняй содама шиснон—средняй школань содама шис.

в) Пуроптомс промпредприятиятнень, учреждениятнень МТС-тнень и совхознень эзга, коса улихть кадрат, иностраннай кяльхнень тонафнемаснон колга кружокт;

г) организовандамс мокшэрзянь кяльть тонафнемаса кружокт.

Сатомс сян, штоба сембе райотнень эзга улельхть организовандафт средняй образования школат производстваста атак аярдт и реорганизовандамс синь ВЛКСМ-нь ЦК-ть решениянзон коряс технической образованиянь школак.

Конференциясь путни ВЛКСМ-нь обкомт лангс обязанность ком-

сомолонь райкомтнень вельде ладямс контроль народной образованиян оргатнень мархта сят средстватнень правльнайста йотафтомаснон мельгя, конат ассигновандафт производстваста атак тушендт средняй образованиян школатненьди, сьормас афсодамата шить и кржа сьормас содама шить машфтомс и политпросветработанди.

Конференциясь лувондсы, што од ломатънень и идьтнень коммунистической духса воспитандамаснон колга комсомолт инголи Сталин ялгать мархта путфзадатнень пшаккодемаснон и комсомольской организацият сяда тов организационнайста кемокстамац вешь сембе комсомолецнень и комсомолкатнень ширьде, ВЛКСМ-нь областной и районнай комитеттнень ширьде нинге сяда оцю сплсчения коммунистической партият и сонь ЦК-ни и Сталин ялгать перьф, вешь, штоба сембе работась йотафневоль большевистской непримиримостень и принципиальностень, келиста шарффт критикань и самокритикань, кода теорияса астаня жа и практикаса сембе антипартийнай проявлениятнень каршес беспощаднай тюреманы и классовой бдительность и революционной боеспособность касфтомань основаса.

ЭРЯФТЬ ИНКСА

(Нилеце пьальксть пец. Ушедксон 31-32 №№ эса).

Алясь пезфнесь
Соду стенас кенжензон,
Всякайке энальдсь
Тапаряф вал муворса...
Сувасть зверьхне
Иордазь кенькшка пильгонзон,
Крганц кенькшть йоткс
Люпштазь кода туворса...
Аяш кули.
Аш инксонза аварьди,
Аньцек вармась
Салаваня явсезевсь —
И мольсь пиземсь —
Сельме ведень пярдысь...
Ох, ня зверьхне,
Лама ломань ваймя сявсть.
Пирьфста кильдездь
Соньцен карай алашанц,
Кандозь теланц
Банянь эзда калдазти.
Тоса ашкодсть
Перьфканза эсь торпишанц.
Сотнезь пиксса
Кевда мараф чрандазти.
Вирень пачка
Ускозь сери берякти,
Ускомстонза
Карай лишмесь кашангодсь.
И тулхмездь
Алашанек томбати.
Тяшка сталмось
Прамста ляйт пяк жолякофць

Родной братснот
Братснотды мизь ярмакне,
Кона ста жа
Аф кржа шавсь, мядондась.
Сонь инксонза
Аварьдсть тяфта жа варматне,
Эста, кода
Баняса сонь морендазь.
И вов эста тя паксать сон рамазе,
Эстоньберя,
Кода тачимс меляфтса,
Шавф ломаньда
Томбать пачксе маразе,
И тянь вельде
Кеподьсь зверьхне эряфсна...

Сьомань телас
Бта мярьгат панжафт сусксть,
Олаф шамат
Тусь аять прважама...
Козянь помочсь
Тинге лангу пулфт—ни усксь,
Ведь меленьцась
Танга ушедсь яжама.
Фня шинь пингста
Нуфтозень сон сьоронзон,
Вов ни помочсь
Ужнама сась хутору...
Шранц лангса
Корьхцягават пуренза,
Вина стопкат
Путнефт кажнайть инголи.
— Ну эрь симость
Васце вина стопконтень,
А кинь мялец
Симода вов пуредь,
Сяда курок
Лаказеви вероньте,
Мази морне
Цебарьняста морада.—
Соньць Дрыга
Уставась пуре корьхцяг,
Винать мельге
Оцю кружкань венепнесь,—
—Тяда визьде,
Мезда мяльнесь—ярхцада,—
Стирень щекат
Винась жарнякс серепнесь.
Стирень—авань
Корхтафсь курок весялгодсь,
Хуторсь жалнай
Кода чавкань орамса.
А Дьргарясь,
Перьф шарондозь, ливоськодсь,
Стирьхне ушедсть
Мокшень моронь морама:
— „Пинет, пинет.
Велень пинет—
Макаринкайхть.
Думадондайхть,
Нят пинетне
Киваном—
Йотай алень

Шавондома—
Аньцек кенерьсть
Стирьхне тя морть ушедомс,
Миша атя
Тигракс пори пеензон.
Аф муй вагонц—
Мргав йотай,—ушу туй,
Сяс мес тя морсь
Лятыфни зверень тевонзон.
— „Фкянсь морай
Нятнен эзда,
Эзем пряса—
Гарьзиняса.
Омбоценьсь
Конек лангса —
Валомкаса.
Сембда йолмась
Сембда йожусь,
Эзем лангса—
Шай нудиса.
Сире душман
Лванясна
Каршесост кшти.
Кштим пачк корхтай
Цьоранзонды:
— Ардовасте идякане
Оцю ки рэшк—
Ки ваномс.
Васень стречнойть
Тястя меньде.
Баяр йотай —
Баярь шавость,
Мужик йотай—
Сяньге шавость.
Шобда веста
Вень кунчкава
Колмокне тусть
Ки ваномс.
Кажнайть кядьса
Оржа пеель,
Кажнайть кескса
Узерь повфтаф.
Мезь афваныхть
Нят пинетне
Лишмя арды—
Аканясна.
Сембда йолмась—
Сембда йожусь
Лишмонь пряти.
Омбоценьсь вожьятненди,
Колмоценесь аканяшты.
— Тястя кофье,
Дуганнене,
Корхтафкянтень,
Якфкянтень.
Сисем кизот
Мон ашелень.
Танга сисем —
Афомаль са.
Шяты шавсамась
Сурстон сявость—
Сиянь сурксень.
Прястон сявось
Види бокста—
Сьоралксказень.
Кандостяка,
Няфтестяка—
Сире душман
Тярянзати..
Мезь аф ваны
Сире душманць
Цьоранза сайхть.
Каршезост лиссь
Сире душманць,
Кштитзь-моразьне.
Кодак няфтезь,
Сире душманць
Комада прась.
Эста шарьхоць
Сире душманць—
Стирени шавозь—
Тя марть эзда
Шавфне пуромсть йонезонза,
Сере—серышка
Миша-аля обморокс прась,
Бта шавфне
Шоворьсть мельден онозонза,
Прокс шавф брадоц
Ярмаконкса палонза сась.
Эстакге
Лоткасть стирьхне морамода,
Дьржа цьорац
Аляни праманц шарьхкодезе
— „Кельгом инжихть“
Куду арда—кенордада
Ато ушесь, ниясась ушедсь
варьхмодемс...

Юнкорхне сьормадыхть

ОЦЯДУНЬ
РУКОВОДИТЕЛЬХ-
НЕНЬ КАЛЬДЯВ
ШИРЕСНА

Зубу. Аф ваномок сян лангс,
што Оцяду велесь пяк оцю, лама
эсонза культурнай вийда, сембе
сяка культурно-массовой работа тя
са аф йотафневи.

Райисполкомсь вельсоветти нол-
дась ярмакт клубонь строямс, ко-
натнен вельсоветсь и колхозонь
правлениясь карьхяхить эсост аф
кигаст.

Ламоксть од ломатьне корхнесть
тянь колга вельсоветонь председа-
тели Гарламов ялгати и колхо-
зонь председатели Заялкин ял-
гати, но синь тя корхтаматнен
лангс йофсикс ашесть отвачакшне.
И. Г.

ЮКСТАФ ТЕВ

Шайговань районца тя пиньгс
нинге ашезь шарьхкоде военно-
физкультурнай работат оцю зна-
чениянц.

Районнай организациянть тя оцю
тевь шири кодамовок мяль аф
шарфнихть.

Лама велетнен эса кодамовок
военно-физкультурнай мероприяти-
ят аф йотафневихть, кепетьксонди:
Л—Майданц, Куллымса, Мельуано-
васа и лия велетнен эзга. Ня ве-
лень руководителхне, а башка
комсомольской организациянть ха-
латнайста ваныхть военно-физкуль-
турнай работат шири.

Но улихть школат, коса военно-
физкультурнай работас ладяф це-
барьста, кепетьксонди, Леткинской
НСШ-са (физкультурнай руководи-
тельсь Притворов ялгась).

Павлов

Сьорма

„Комсомолонь вайгаль“ газетать
редакциянцты

Малышу велень афполнай сред-
ней школса (Торбеюнь р-н) пяк
лама афсатыкста. Васендакия,
минь преподавателеньке симонь-
дихть винада. Ученикнен сидеста
пикссезь. Кода школса, а тяфта
и общежитияса кодамовок культу-
рно-массовой работа аф йотафневи.
Общежитияса свет аф эрай. Пио-
нерхнен йоткса кодамовок работа
аф йотафневи, нльне аш вожатайге.
Школса улихть сисем комсомо-

лецт, но комсомольской организа-
ция аш.

Сязеньдевихть сидеста урокне.
Содамок ня афсатыкснен шко-
лань директорсь Исанкин, кодамо-
вок мерат ашезь прима.

Минь энельдьяма „Комсомолонь
вайгаль“ газетать редакциянцты,
штоба сон прималь мератшколань-
конь работанц цебарьгофтомаса.

Ученицат.

Вожатайсь кяшеньди
пионерхнен эзда

Шайгав. Куллымонь афполнай
средней школса пионервожатайсь
Пьянзин Лукян Ивановичсь пио-
нерхнен йоткса кодамовок работа
аф йотафни. Пионерской сборхт
мзьярдонга ашесть йотафнев и тя-
ниньге аф йотафневихть.

Мзьярдонга пионерхнен мархта
аф организовандакшни игрт и нль-
ня фкявок беседа ашезь йотафта
пионерзон йоткса.

Школса переманаста пионерхне
ласькондихть вожатайть мельга и
вешеньдихть эсонза.

Аф визькс ли тяфта тиендемс
учитель-комсомолецти?

Надьятама, што комсомолонь рай-
комсь примай мерат Пьянзинтть
мархта.

Велькор

Мезеньди максозь
билеттнен?

Саранск. Ниньге 1934 кизоня
пединститутонь студентне сувасть
аэроклубу членкс, максось теест
мази билетт, но синь йотксост
кодамовок работа аф вятэви. Д, и
студенттневок взност ашесть пандь
2 кизот.

Минь кизефнесаськ аэроклубть,
мезеньди максозь тейнек билет-
тнен, лангзост ванондомс штоли?

Надьятама, што аэроклубсь шарф-
ты мяль эсь членонзон ланкс.

Н. Сильный.

Од ломатьне
ушедсть тонафнема

Шайгав. Куллым велеса меколь-
ден пингть эзда цебарьста кармась
работам ликпунктсь. Эр илядьне
школас пашкочни од ломаньда,
конат пара мяльса тонафнихть сьор-
мас.

Н. Ф. Яушкин.

Отв. редакторсь Ф. С. РУСЬКИН

Уполномоченный главлито № 450. Заказ № 1148. Тираж 2480.

Саранск типография „Красный Октябрь“ Мордгиза

Ускови пулоса

Зубу. Оцядунь вельсоветть пред-
седателенц Гарламовть халатнай и
тевфтема шидонза вельсоветсь
сембе ширьде ускови пулоса.

Финпланц пашкофь 40 про-
центс, сиволень заданиясь 60 про-
центс.

Станя жа кальпаста аши тевсь
единоличникнен мархта, конат
тундань видемати аноклама ниньге
ашесть ушедкшне.

Ликбезработась Оцядунь вельсо-
ветса сязьф, а вельсоветсь кода-
мовок мерат тянь колга ашезь
прима.

И—Г.

Пиньгта... нинге лама...

Шайгав. Кировонь лемса кол-
хозсь тя пингс ашезь ушед тундань
видема кампанияти аноклама. Нинь-
ге пцтай мезевок атак аноклак, а
яровизациять колга мезевок и афи
арьсикть. Колхозонь председателсь
Дорожкинць корхтай, што пиньгта
ниньге лама анокламс.

П.

Библиотекаса аш красин

Шайгавса кальпаста аши тевсь
культурнай учреждениянь ширьде:
аш кино, аш цебарь клуб, радио-
узелса работайхть аньцек 80 точкат.
Главнай культурань максыкс араси
районнай библиотекась, но и госон-
га книгада пяк кржа.

Но аф ваномок ня афсатыкснен
лангс сембе сяка, шайгавонь биб-
лиотекась работай аньцек обезд, а
обедта меле эрай пякстафста, сяс
мес „аш“ красин. Д, кие жа му-
ворсь? Штоли Шайгавса аш кра-
син? Тя лиссь библиотекань заве-
дующайть халатнай шидонза.

Мезе жа ваныхть РОНО-сь и
комсомолонь райкомсь? Павлов.